

1. Chú tiàm góa sim-lāi, bô kiaⁿ-hiāⁿ chū-chāi;
 Chit sè-kan chí-ū Lí sī góa só`ài,
 Mí-jit góa sim-sîn siàu-liām Lí bô thêng,
 Lí chòe góa kng-teng, hō·góa ū kng-bêng.

2. Chú chòe góa tì-hūi, hō·góa thang oá-khò;
 Tàk sî-khek tiàm tī Lí, siū Lí chiàu-kò·,
 Lí chòe góa Thiⁿ-pē, góa chòe Lí ê kiaⁿ,
 Lí kap góa kiat-liân, góa kap Lí tâng kiāⁿ.

3. Chú chòe góa soaⁿ-chē, chòe góa pó-kùi kiàm,
 Lí hō·góa tōa hōaⁿ-hí, khò Lí tit siⁿ.
 Lí sī góa tîn-pâi, góa sīu Lí pó-hō·,
 Lí kò·siú góa lêng-huân, tit kàu thian-teŋg.

4. Sè-kan bô chit hāng pí Lí khah pó-pòe;
 In-ūi Lí siòk tī góa, éng-oán bōe hòe,
 Lí sī góa it-chhè, góa beh sìn-khò Lí,
 Thiⁿ-téng ê Kun-ông, sè-kan bô thang pí.

5. Thiⁿ-téng ê Kun-ông, hō·góa òe tek-sèng,
 Goān Lí chhōa góa kàu thiⁿ, éng tiàm thian-têng,
 Hék-sī ū kan-lân, á-sī tōa piàn-chhian,
 Góa koat-toàn tè Chú, éng-oán bô ià-siān.